



Iohannes ille ab ineunte ætate operam literis dedit, & Heidelbergam sese ad Academiam cõtulit. Ibi audiendo, scribendo, legendo, & disputãdo frequenter sese exercuit, atq; in uirum doctissimũ euasit. Erat is ingenio foelici, & eloquentia mirabili præditus. Hisce etiam Dei donis uitæ puritas accedebat. Itaq; primò in numerum professorum ascitus, postea aliquoties eius Vniuersitatis Rector creatus fuit. Hinc factũ ut omnes eum suspicerent, atq; uelut scholæ eius decus amarent. quod si etiã de quæstionibus lis erat, totum negotium ad eum deferebatur. Sua enim industria omnes difficultates facilè soluebat. Scripsit is de ieiunio ad Vniuer

sitatẽ, præterea de auctoritate Concilij, idq; potissimũ anno millesimo quadringentesimo quadagesimo, cum Amadeus Sabaudus Basileæ pontifex renunciaretur. Deinde quæstiones sententiarum, & plurimos sermones & orationes. Tandem ætate grauis ibidem moritur & sepelitur. Trit.